



JABATAN PERKHIDMATAN VETERINAR MALAYSIA

LAPORAN LIPUTAN MEDIA

ISNIN, 4 JULAI 2022

1.	Op ATM kesan peniaga jual telur, ayam melebihi harga maksimum
2.	'Lift chicken ban to S'pore before we lose out'
3.	Untung rendah, peniaga akur jual ayam ikut harga siling
4.	Sebab saiz ayam besar
5.	Empat premis didenda
6.	Lembu muncul King Of Sado bakal dikorbankan di Selangor
7.	Tetap jual ayam pada harga Rm8.90 -Peniaga patuh harga siling telur
8.	Penternak nafi simpan ayam sehingga harga siling baharu
9.	'Berbaloi tempuh perjalanan 9 jam'

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Op ATM kesan peniaga jual telur, ayam melebihi harga maksimum

KAJANG - Empat premis dikesan melakukan pelbagai kesalahan termasuk menjual melebihi harga maksimum menerusi Op Antisorok dan Op Ayam, Telur dan Minyak Masak (Op ATM) di sekitar kawasan Seri Kembangan di sini sejak 1 Julai lalu.

Ketua Pegawai Penguat Kuasa Daerah Kementerian Perdagangan Dalam Negeri Dan Hal Ehwal Pengguna (KPDNHEP) Cawangan Kajang, Ruhaizad Zahari berkata, kesalahan itu dikesan menerusi pemeriksaan yang dijalankan melibatkan 834 premis.


"Empat kes dikesan melakukan pelbagai kesalahan antaranya melibatkan tiga kes gagal pamer tanda harga dan satu kes menjual melebihi harga maksimum.

"Kesemua tindakan kes telah dikenakan tindakan kompaun dengan jumlah keseluruhan RM1,200," katanya dalam kenyataan pada Ahad.

Katanya, operasi sama turut me-

libatkan pemeriksaan kedudukan harga runcit minyak masak sawit tulen dalam botol yang telah dipungkan harganya.

"Pemeriksaan dijalankan bagi memastikan harga jualan runcit adalah berpatutan dan peniaga tidak mengambil kesempatan dengan mengambil keuntungan secara tidak munasabah," jelasnya.



Pemeriksaan dilakukan pegawai penguat kuasa KPDNHEP di Seri Kembangan bermula pada 1 Julai.

'Lift chicken ban to S'pore before we lose out'

By VENESA DEVI
venesa@thestar.com.my

JOHOR BARU: Malaysia should lift its export ban of chicken to Singapore before the local industry loses out, says the Johor Poultry Breeders Association here.

With the island republic's approval of Indonesia as its new source of frozen, chilled and processed chicken meat, Malaysia's poultry breeders would lose out significantly, said association secretary Lau Ka Leng.

"It's not too late if the government lifts the ban now as the approval has just kicked in. But if we wait even a bit longer, chicken breeders will suffer the consequences.

"Once Singapore commits to having Indonesia as its source of chicken, it would take us a long time to be able to export chicken to the country again, even after the ban is lifted," he said.

In a Facebook post last Thursday, the Singapore Food Agency said Indonesia had been approved as the republic's new source of frozen, chilled and processed chicken meat. Singapore's existing sources include Brazil, Thailand and Australia.

In early June, Malaysia had imposed a ban on the export of chicken to Singapore until domestic prices and production stabilise.

Beginning July 1, the ceiling price for standard chicken in Peninsular Malaysia has been fixed at RM9.40 per kilo.

But Lau said that in the long run, Singapore would likely have Malaysia as its main source of chicken again.

"The price of chicken in Malaysia is still among the cheapest in South-East Asia and the birds we produce are larger in size. There is hope that Singapore will still get its chicken from us but this will take a long time to happen, years even," he said.

Untung rendah, peniaga akur jual ayam ikut harga siling

Oleh NIK NUR IZZATUL HAZWANI
NIK ADNAN, ROHANA MOHD.
NAWI dan AIMUNI TUAN LAH
utusannews@mediamulia.com.my

DUNGUN : Peniaga di daerah ini akur menjual ayam mengikut harga siling pada RM9.40 sekilogram walaupun mendapat keuntungan rendah sejak Jumaat lalu.

Tinjauan di beberapa kedai runcit dan pasar di daerah ini mendapati, tiada peniaga yang ingkar dengan arahan kerajaan tersebut dan mengenakan bayaran bagi upah potong ayam.

Peniaga ayam di Pasar Besar Dungun, Shahul Hamid Maidin, 65, berkata, dia hanya memperoleh keuntungan sebanyak 50 sen satu kilogram selepas mendapat bekalan ayam dengan harga RM8.90 bagi satu kilogram.

"Kalau ikutkan, memang tak untung sangat sebab dengan keuntungan 0.50 sen itu tak termasuk modal plastik dan ais.

"Pakcik ikut sahaja apa yang kerajaan tetapkan kerana tidak mahu dikenakan tindakan," katanya ketika ditemui di sini, semalam.

Seorang lagi peniaga ayam, Mohd. Shahrul Nizam Mohd. Zamizi, 27, berkata, dia yang men-



MOHD. Shahrul Nizam Mohd. Zamizi menunjukkan harga ayam yang dijual di Pasar Besar Dungun, Terengganu. - UTUSAN/NIK NUR IZZATUL HAZWANI NIK ADNAN

dapat bekalan ayam secara terus dari ladang, memperoleh keuntungan lebih besar berbanding peniaga yang mendapat bekalan ayam yang siap diproses.

"Untuk satu kilogram ayam

hidup, saya dapat dengan harga RM6.20. Kalau ikutkan, memang untung lebih, tetapi saya perlu bekerja lebih untuk memproses ayam," katanya.

Seorang pembeli, Noriah Ah-

mad, 50, berkata, penetapan harga siling ayam membantu meringankan beban keluarga besar seperti-nya yang mempunyai tujuh anak.

Sementara itu, tinjauan di Kota Bharu, Kelantan mendapati, peniaga tidak mengenakan caj untuk memotong ayam segar yang dijual kepada pelanggan selain mematuhi harga siling baharu RM9.40 sekilogram.

Seorang peniaga, Mohd. Din Abd. Ghani, 33, dari Bachok berkata, dia tidak tergamak mengenakan caj terhadap pemotongan ayam kerana harga bahan mentah itu disifatkan masih tinggi.

Menurutnya, jika caj itu dikenakan berkemungkinan besar penguna berdepan pertambahan kos sekali gus membebankan mereka.

"Mengambil kira harga ayam masih lagi tinggi di pasaran ketika ini, saya tekad 'memejamkan' mata dengan tidak mengenakan caj kepada pelanggan. Alhamdulillah, dengan kos pengangkutan ayam ke Kelantan, saya boleh jual dengan harga yang murah lagi dari harga siling kerajaan.

"Walaupun murah, perniagaan saya merosot sejak awal tahun kerana orang ramai kurang membeli ayam berikutan harganya mahal," katanya.



KETIKA ini bekalan ayam hampir pulih sejak larangan eksport ayam segar ke Singapura pada bulan lalu.

Oleh Mohamed Farid Noh
farid_noh@bh.com.my

Johor Bahru

PENTERNAK BERI PENCERAHAN: BUKAN SOROK BEKALAN

Sebab saiz ayam besar

Penternak menafikan mereka menyimpan stok ayam sehingga harga siling baharu dikuatkuasakan Jumaat lalu bagi meraih keuntungan lebih tinggi.

Sebaliknya, Setiausaha Persatuan Penternak Ungas (Kecil dan Sederhana) Negeri Johor, Lau Ka Leng, menjelaskan saiz ayam segar di pasaran yang besar sehingga lebih dua kilogram (kg) ketika ini berikutan ia sudah melepasi tempoh matang kerana permintaan semakin berkurangan.

Katanya, dakwaan itu tidak benar berikutan penternak akan merekodkan kerugian lebih tinggi jika menyimpan ayam sehingga

melempi tempoh matang kerana kos operasi akan bertambah sekali ganda.

"Sebenarnya ayam segar yang besar kerana sudah melepasi tempoh matang 30 hari, berbanding tempoh matang 28 hari dengan berat biasanya 1.8 kg.

"Namun disebabkan permintaan kurang ayam di ladang melepasi usia 30 hari," katanya ketika dihubungi.

Beliau berkata, sebelum ini bekalan ayam kurang, tetapi mendapat permintaan terlalu tinggi sehingga ayam yang belum mencapai tempoh matang 28 hari terpaksa dijual bagi memenuhi per-

mintaan.

Bagaimanapun, katanya, ketika ini bekalan ayam hampir pulih sejak larangan eksport ayam segar ke Singapura bulan lalu.

"Ditambah pula permintaan ayam segar tempatan berkurangan sehingga hampir 30 peratus ketika ini, sehingga berlaku lebih.

"Kalau penternak simpan kerana nak tunggu harga siling baharu, kami akan rugi besar kerana ayam akan jadi lebih besar.

"Ayam yang terlalu besar tidak digemari pembeli, malah kos operasi akan lebih

tinggi kerana perlu menyediakan lebih banyak dedak selain risiko lain termasuk reban tidak dapat menampung ternakan," katanya.

Lau berkata, kekurangan permintaan menyebabkan penternak terus merekodkan kerugian di sebalik penguatkuasaan harga siling baharu.

"Sebelum ini ada 115 penternak dengan 91 daripadanya dari Johor yang mengeksport ayam ke Singapura bagi memenuhi permintaan tiga juta ayam segar sebulan.

"Berikutan larangan eks-

port ayam itu, kini bekalan ayam segar dalam negara hampir pulih namun berlaku pula lambakan ternakan di reban berikutan kekurangan permintaan," katanya.

Dalam pada itu, pemboorong ayam, Johnny Lee Kim Leong turut mengakui kejatuhan permintaan ayam segar sejak kebelakangan ini.

Katanya, pesanan yang dibuat peniaga turut berkurangan sehingga 30 peratus berikutan mereka menyatakan jualan ayam segar tidak memberangsangkan.

"Dengan kelembapan jualan ayam segar, penternak akan lebih terjejas berikutan permintaan kurang namun diharapkan harga ayam se-

gar akan turun sekali gus menarik balik pembelian daripada orang ramai," katanya.

Sementara itu peniaga ayam segar, Hafizul Mohamad, 40, berkata, orang ramai kini dikesan mula kurang berbelanja termasuk membeli bahan mentah termasuk ayam segar.

"Sebelum ini, biasanya pengguna membeli dua hingga tiga ekor ayam bagi stok seminggu.

"Namun kini pelanggan hanya beli seekor sahaja. Kebanyakan mereka mengeluh kerana harga bahan mentah naik.

"Saya harap jualan ayam segar akan meningkat semula menjelang Aidiladha minggu depan," katanya.

"Ayam yang terlalu besar tidak digemari pembeli"

Lau

TARIKH	MEDIA	RUANGAN	MUKA SURAT
04.07.2022	HARIAN METRO	LOKAL	8



RUHAIZAD bersama pegawai KPNDHEP Kajang membuat pemeriksaan dalam Op Antisorok dan Op Ayam, Telur dan Minyak Masak (Op ATM) di sekitar Seri Kembangan sejak 1 Julai lalu.

Oleh Hafidzrul Hilmi Mohd Noor
hafidzrul@hmetro.com.my

Empat premis didenda

Kesan peniaga gagal pameran tanda harga, jual melebihi harga maksimum

Kajang

Kementerian Perdagangan Dalam Negeri dan Hal Ehwal Pengguna (KPDNHEP) mengesan empat premis melakukan pelbagai kesalahan termasuk menjual melebihi harga maksimum menerusi Op Antisorok dan Op Ayam, Telur dan Minyak Masak (Op ATM) di sekitar Seri Kembangan sejak 1 Julai lalu.

Ketua Pegawai Penguatkuasa Daerah KPNDHEP Cawangan Kajang Ruhaizad Zahari berkata, kesalahan itu dikesan menerusi pemeriksaan yang dijalankan membabitkan 834 premis.

"Antara kesalahan yang dikesan ialah gagal pameran tanda harga dan satu kes menjual melebihi harga

maksimum.

"Semua kes dikenakan tindakan kompaun dengan jumlah keseluruhan RM1,200," katanya.

Menurutnya, operasi sama turut membabitkan pemeriksaan kedudukan harga runcit minyak masak sawit tulen dalam botol yang diapungkan harganya.

"Pemeriksaan dijalankan bagi memastikan harga jualan runcit adalah berpatutan dan peniaga tidak mengambil kesempatan secara tidak munasabah.

"Peniaga yang didapati berbuat demikian akan diberi notis di bawah Akta Kawalan Harga dan Anti

penjualan dengan disiasat atas kesalahan mencajut," katanya.

Menurutnya, peniaga di luar dan pinggir bandar diingatkan agar mematuhi semua perundangan yang dikuatkuasakan.

"Ini bagi mengelakkan dikenakan tindakan tegas dan peniaga terus beretika men-

jalankan perniagaan dengan mengagihkan bekalan di pasaran secara baik terutama ayam, telur ayam dan minyak masak," katanya.

Menurutnya, peniaga turut diingatkan supaya tidak mengambil kesempatan dengan mengambil keuntungan secara tidak munasabah.

TARIKH	MEDIA	RUANGAN	MUKA SURAT
04.07.2022	HARIAN METRO	LOKAL	13

Lembu muncul King Of Sado bakal dikorbankan di Selangor

Setiu: "Berbaloi menempuh perjalanan selama sembilan jam membawa lembu itu apabila ia dinobatkan sebagai King Of Sado 2022," kata Muhamad Bakri Bukhari.

Bakri, 37, dari Bera, Pahang antara 115 penternak lembu baka yang menyertai Himpunan Lembu Sado Pantai Timur 2022 di Pekan Jabi di sini, kelmarin.

Lembu charolais milik Bakri seberat 874 kilogram dan berusia empat tahun dua bulan mencuri tumpuan ramai sehingga memenangi kategori Lembu Sado Charolais Terbaik dan King Of Sado 2022.

Katanya, dia tidak menjangka lembu kesayangannya yang dibeli pada 2019 itu berjaya menarik perhatian

juri sekali gus dinobatkan sebagai King Of Sado 2022.

"Lembu itu saya beli dengan harga RM13,800 di Johor pada 2019 dan membelanya selama tiga tahun untuk dipertandingkan.

"Banyak ranjau yang terpaksa dilalui sepanjang perjalanan membawanya ke Himpunan Lembu Sado itu. Sembilan jam perjalanan terpaksa ditempuh untuk sampai ke acara itu dan ia sangat mencabar," katanya.

Katanya, susulan kemenangan berkenaan, lembu dengan berat lebih 900 kilogram itu turut

terjual pada harga RM25,000 untuk dikorbankan di Selangor pada tahun ini.

"Saya berasa puas apabila lembu itu dinobatkan King Of Sado 2022 dan lebih manis ia terjual dengan harga yang sepatutnya.

"Sebenarnya saya sayang lembu itu, tetapi apabila dimaklumkan untuk ibadah korban maka saya merelakan untuk dijual," katanya.

Katanya, dia akan terus memelihara lembu baka kerana penternakan lembu baka sangat menguntungkan selain permintaan-pemintaannya semakin meningkat dari semasa ke semasa.



MUHAMAD Bakri bersama lembu baka charolais miliknya yang dinobatkan sebagai King Of Sado di Himpunan Lembu Sado Pantai Timur 2022.

Lembu dibeli dengan harga RM13,800 di Johor pada 2019

Pasar raya tidak mahu ambil kesempatan, bimbang pengguna terbeban

Tetap jual ayam pada harga RM8.90

Oleh ABDUL RASHID
ABDUL RAHMAN

BENTONG - Penetapan harga siling ayam bermula 1 Julai lalu dipatuhi oleh rata-rata peniaga yang didapati tidak menjual melebihi harga ditetapkan.

Meskipun boleh menjual dengan harga RM9.40 sekilogram, namun masih ada peniaga tidak menaikkan harga sebaliknya menjual dengan harga yang lebih rendah.

Tinjauan Kosmo! di Pasar Segar Bentong Segar Enterprise, di sini mendapati, ayam masih dijual pada harga RM8.90 sekilogram seperti harga kawalan ditetapkan sebelum ini.


Jurucakap Bentong Segar berkata, mereka masih menjual dengan harga RM8.90 memandangkan harga yang diterima daripada pembekal masih sama seperti sebelum ini.

"Kami tidak mahu mengambil kesempatan menaikkan harga kerana tidak mahu membebankan pengguna, selagi pembekal tidak menaikkan harga, kami akan terus menjual dengan harga seperti ini."

"Pada masa ini saya dapati bekalan ayam masih banyak dan mencukupi, malah saya tidak mendengar pembekal mahu menaikkan harga dalam tempoh terdekat," katanya di sini semalam.

Menurutnya, Bentong Segar mendapat bekalan ayam daripada pembekal dan penternak di Sertik di sini, yang dijamin halal dari segi sembelihan.

Seorang pelanggan, Aziz Abdullah, 50, berkata, dia terkejut



PEKERJA Pasar Segar Bentong Segar Enterprise di Bentong semalam menunjukkan ayam yang masih dijual pada harga RM8.90 sekilogram.

*Harga (RM/kg) Sumber: KPDNHEP



KERATAN Kosmo! 30 Jun 2022.


Kami tidak mahu mengambil kesempatan menaikkan harga kerana tidak mahu membebankan pengguna, selagi pembekal tidak menaikkan harga kami akan terus menjual dengan harga seperti ini."

apabila Bentong Segar masih mampu menjual dengan harga yang rendah daripada harga siling ditetapkan.

Katanya, dia berharap harga ayam yang menjadi antara makanan utama rakyat di negara ini dapat dijual lebih rendah daripada harga siling ditetapkan mengambil kira beban masyarakat pada masa ini.

"Saya bersyukur dan berterima kasih kepada pihak Bentong Segar yang jujur dalam peniagaan dengan tidak mengambil kesempatan menaikkan harga ayam," katanya.

Dalam pada itu, tinjauan di sebuah pasar raya lain di daerah ini mendapati ayam dijual pada harga siling iaitu sebanyak RM9.40 sekilogram dan bekalan ayam juga masih banyak.



SEORANG wanita membeli telur gred C yang dijual pada harga siling di sebuah kedai runcit di Gua Musang semalam.

Peniaga patuh harga siling telur

Oleh AIMUNI TUAN LAH

GUA MUSANG - Rata-rata peniaga di daerah ini mematuhi kadar harga siling baharu ayam dan telur seperti yang telah ditetapkan pihak kerajaan bermula 1 Julai lalu.

Tinjauan Kosmo! mendapati, kebanyakan peniaga menjual harga runcit sepapan telur ayam pada harga RM13.50 bagi gred A, gred B (RM12.90 sepapan) dan gred C (RM12.30 sepapan).

Situasi itu memberi kelegaan kepada pengguna kerana harga barangan itu lebih rendah berbanding sebelum ini.

Seorang pengguna, Noriah Awang, 58, berkata, sebelum penetapan harga siling sebiji telur ayam, ia dijual melebihi RM13 sepapan sebelum ini bagi gred C di

kedai runcit.

"Saya lihat peniaga mematuhi penetapan harga siling yang dibuat oleh pihak kerajaan hari ini (semalam).

"Kami berharap pihak berkuasa dapat membuat pementauan dengan lebih kerap agar peniaga sentiasa patuh dengan harga yang ditetapkan," katanya.

Seorang peniaga, Ahmad Mazalan Ismail, 44, berkata, dia menjual telur mengikut harga siling yang ditetapkan bermula semalam iaitu RM0.45 sen sebiji bagi gred A, gred B (RM0.43 sebiji) dan gred C (RM0.41 sebiji).

Katanya, sebelum ini, dia memang menerima rungutan daripada pelanggan yang tidak puas hati dengan kenaikan harga telur.

"Selain merungut dengan ke-

naikan harga telur, bekalan telur berkurangan kerana bekalan terhad.

"Kami selaku peniaga akan mengikut harga yang ditetapkan oleh pihak kerajaan kerana bimbang juga dikenakan tindakan atau kompaun," katanya.

Sebelum ini, kerajaan mengemukakan harga siling runcit bagi ayam standard di Semenanjung Malaysia ditetapkan pada kadar RM9.40 sekilogram berkuat kuasa 1 Julai lalu.

Menteri Pertanian dan Industri Makanan, Datuk Seri Ronald Kiandee berkata, Mesyuarat Jemaah Menteri juga bersetuju menetapkan harga siling runcit telur ayam pada kadar RM0.45 sen sebiji bagi gred A, gred B (RM0.43 sebiji) dan gred C (RM0.41 sebiji) di Semenanjung Malaysia.

TARIKH	MEDIA	RUANGAN	MUKA SURAT
04.07.2022	BERITA HARIAN	NASIONAL	3

Penternak nafi simpan ayam sehingga harga siling baharu

Saiz ternakan lebih besar akibat lepas tempoh matang, kurang permintaan

Oleh Mohamed Farid Noh
farid_noh@bh.com.my

Johor Bahru: Penternak menolak dakwaan mereka menyimpan stok ayam sehingga harga siling baharu dikuatkuasakan Jumaat lalu, demi meraih keuntungan lebih tinggi.

Setiausaha Persatuan Penternak Unggas (Kecil dan Sederhana) Negeri Johor, Lau Ka Leng, menjelaskan saiz ayam segar yang besar sehingga lebih dua kilogram (kg) dalam pasaran ketika ini, adalah berikutan ternakan di ladang melepasi tempoh matang kerana permintaan se-

makin berkurangan.

Katanya, dakwaan bahawa penternak menyimpan stok ayam adalah tidak benar, berikutan mereka akan merekodkan kerugian lebih tinggi jika menyimpan ayam sehingga melepasi tempoh matang terlalu lama berikutan kos operasi akan bertambah sekali ganda.

"Sebenarnya ayam segar ketika ini besar-besarnya ada yang mencapai berat lebih dua kilogram seekor kerana telah melepasi tempoh matang 30 hari, apatah lagi permintaan makin jatuh.

"Kebiasaannya ayam matang dalam tempoh 28 hari dengan berat 1.8kg, namun oleh kerana permintaan berkurangan ayam di ladang melepasi usia 30 hari dengan berat melebihi dua kilogram setiap ekor.

"Sebelum ini bekalan ayam kurang dan mendapat permintaan terlalu tinggi sehingga hasil ternakan ayam tidak mencapai tempoh matang 28 hari sudah terpaksa dijual bagi memenuhi perminta-

an," katanya, di sini semalam.

Ka Leng berkata, ketika ini bekalan hampir pulih susulan larangan eksport ayam segar ke Singapura sejak bulan lalu.

"Ditambah pula permintaan terhadap ayam segar tempatan berkurangan sehingga hampir 30 peratus ketika ini, sehingga berlaku lebihan.

"Kalau penternak simpan kerana nak tunggu harga siling baharu, kami akan rugi besar kerana ayam akan jadi lebih besar.

"Ayam yang terlalu besar tidak digemari pembeli, malah kos operasi akan lebih tinggi kerana perlu menyediakan lebih banyak dedak, selain risiko lain termasuk reban tidak dapat menampung ternakan," katanya.

Ka Leng berkata, kekurangan permintaan yang mencebaskan lebihan ternakan di reban, menyebabkan penternak terus merekodkan kerugian di sebalik harga siling baharu dikuatkuasakan.

"Sebelum ini ada 115 penternak dengan 91 daripadanya dari Johor yang mengeksport ayam ke

Singapura bagi memenuhi permintaan 3 juta ayam segar sebulan.

"Berikutan larangan eksport ayam itu, kini bekalan ayam segar dalam negara hampir pulih, namun berlaku pula lambakan ternakan di reban berikutan kekurangan permintaan," katanya.

Pemborong ayam, Johnny Lee Kim Leong, turut mengakui kejatuhan permintaan terhadap ayam segar sejak kebelakangan ini.

Katanya, pesanan yang dibuat peniaga turut berkurangan sehingga 30 peratus berikutan mereka menyatakan jualan ayam segar tidak memberangsangkan.

"Ekoran kelembapan jualan ayam segar, penternak akan lebih terjejas berikutan permintaan kurang, namun diharapkan harga ayam segar akan turun, sekali gus menarik balik pembelian daripada orang ramai," katanya.

Peniaga ayam segar, Hafizul Mohamad, 40, mendakwa orang ramai kini dikesan mula kurang berbelanja, termasuk membeli bahan mentah seperti

☑ Kebiasaannya ayam matang dalam tempoh 28 hari dengan berat 1.8kg, namun oleh kerana permintaan berkurangan ayam di ladang melepasi usia 30 hari dengan berat melebihi dua kilogram setiap ekor.

Lau Ka Leng,
Setiausaha
Persatuan
Penternak Unggas
(Kecil dan Sederhana)
Negeri Johor



ayam segar.

"Sebelum ini, biasanya pengguna membeli dua hingga tiga ekor ayam bagi stok seminggu untuk hidangan keluarga.

"Namun kini pelanggan hanya beli seekor sahaja. Kebanyakan mereka mengeluh kerana harga bahan mentah naik. Sebagai peniaga, kami berharap jualan ayam segar akan kembali meningkat menjelang sambutan Aidiladha minggu depan," katanya.

TARIKH	MEDIA	RUANGAN	MUKA SURAT
04.07.2022	BERITA HARIAN	NASIONAL	16

'Berbaloi tempuh perjalanan 9 jam'

Lembu 874kg dinobatkan King Of Sado 2022, terjual pada harga RM25,000 untuk ibadah korban

Oleh Ahmad Rabiul Zulkifli
bhnews@bh.com.my

Setiu: "Berbaloi menempuh perjalanan sembilan jam dengan membawa lembu apabila ia dinobatkan sebagai King Of Sado 2022," kata Muhamad Bakri Bukhari.

Bakri, 37, dari Bera, Pahang antara 115 penternak lembu baka yang menyertai Himpunan Lembu Sado Pantai Timur 2022 di Pekan Jabu, kelmarin.

Lembu charolais seberat 874 kilogram dan berumur empat tahun dua bulan mencuri tumpuan ramai sehingga memenangi kategori Lembu Sado Charolais Terbak dan King Of Sado 2022.

Katanya, dia tidak menjangka-

kan lembu kesayangan dibeli pada 2019 itu berjaya menarik perhatian juri, sekali gus dinobatkan King Of Sado 2022.

"Lembu itu saya beli dengan harga RM13,800 di Johor pada 2019 dan membelanya selama tiga tahun untuk dipertandingkan.

"Banyak ranjau terpaksa dilalui sepanjang perjalanan membawanya ke Himpunan Lembu Sado.

"Sembilan jam perjalanan yang terpaksa ditempuh untuk sampai ke acara itu dan ia sangat mencahar," katanya.

Tambahnya, susulan kemenangan lembu itu, lembu itu terjual pada harga RM25,000.

"Lembu yang pernah mencapai berat lebih 900kg itu akan dikorbankan di Selangor tahun ini.

"Berasa puas apabila lembu itu dinobatkan sebagai King Of Sado 2022 dan lebih manis ia terjual dengan harga sepatutnya.

"Sebenarnya saya sayang lembu itu, tetapi apabila dimaklumkan untuk ibadah korban saya merelakan dijual," katanya.

Katanya, dia akan terus menternak lembu baka kerana penternak lembu baka sangat menguntungkan, selain permintaannya semakin meningkat.



Muhamad Bakri (kanan) bersama lembu baka charolais miliknya yang dinobatkan sebagai King Of Sado pada Himpunan Lembu Sado Pantai Timur 2022 di Pekan Jabu, Setiu, kelmarin. (Foto Ihsan pembaca)